

Nā Nīnau Ho'ono'ono'o

He mau nīnau ho'owala'au a hō'eu i ka hana pili i nā wikiō Kumukahi



Kumuhana: **LUA**

Mokuna: 'Oihana

Māhele: Nā Kānaka

Hoa hele: Keola Akana

Kama'āina: Tommy Kaulukukui Jr.

Paena: http://www.kumukahi.org/units/na_kanaka/oihana/lua

Nā nīnau kiko'i

1. Pehea i wehewehe ai 'o 'Anakala Tommy i ka 'oihana lua?
2. I loko nō o ke komo piha 'ole paha i ka 'oihana lua, he aha nā ha'awina a kākou a pau e a'o ai?
3. 'O ke a'o 'o'ole'a ka lula ikaika 'ana i mea e kō ai ka hana. Hiki iā 'oe ke a'o 'o'ole'a iā 'oe iho. He aha kekahi mau hana e pono ai ke a'o 'o'ole'a? E la'a ho'i me ka ho'okani pila, ka ho'oma'ema'e i ka lumi, a me ka ho'opa'a 'ana no kekahi hō'ike ma ke kula. Pehea e lula ikaika ai iā 'oe iho i mea e holo pono ai ia hana?
4. 'O ke a'o 'o'ole'a ke koho 'ana i ka pono 'oiai 'o ia ka hana pa'akikī. E ho'omoeā i kou noho 'ana ma kekahi papa. Aia kou mau hoa aloha ma ka 'ōlelo ho'omāke'aka i ka wā e 'ōlelo ana ke kumu. Huli mai lākou iā 'oe me ka 'ōlelo nāu mai kekahi 'ōlelo ho'omāke'aka. Pehea 'oe e hō'ike ai i ka lula ikaika 'ana iā 'oe iho? Pehea e ho'oponopono ai i ia pō'aiapili?
5. 'O kekahi māhele o ka 'oihana lua ka lawelawe a kākō 'o 'ana aku i ka po'e 'ē a'e. Pehea 'oe e kōkua ai i kou 'ohana, i kou mau hoa aloha, a i kāu mau kumu ho'i? E no'ono'o i kekahi mau 'ano e kōkua aku ai 'oe iā ha'i.
6. He ho'omaopopo ka 'oihana lua i ke ko'iko'i o ke kaulike i mea e pa'a pono ai, 'a'ohe hina iho. E ho'ā'o i ka pa'a pono o ke kino ma ke kū 'ana ma ho'okahi wale nō wāwae e like me ka lō'ihi loa i hiki. E uaki 'ia. Pehea, hiki paha ke ho'olō'ihi a'e i nā lā a pau? Ke pa'a ke kino i ke kaulike, 'a'ohe hina. Pēia pū nō ma nā māhele like 'ole a pau o ke ola. Ke kaulike, pono nō. Pehea ke 'ano o kāu mea'ai? Ua kūpono paha i mea e pa'a ai ke kino? 'Ai pono paha i nā hua'ai, ka lau'ai, ke kumu'i'o, me ke kōpia? 'A'ole paha ho'onu'u i ho'okahi wale nō 'ano o ka 'ai, 'eā? Eia hou, pa'a paha ke kino i ka pono o ka pā'ani i loko me ka pā'ani pū i waho?

Nā nīnau laulā

- He aha nā ha'awina o kēia wikiō e pili ana i ka 'ike Hawai'i a me kona mau pono no kēia au e ne'e nei?
- Pehea e pili ai ia wikiō i kekahi mau hi'ohi'ona o ka mo'omeheu Hawai'i āu i a'o ai a i 'ike ai paha?
- Pehea kākou e ho'omau ai i kēia mau hana ku'una Hawai'i i kēia mua aku?